



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**



COMUNE DI SINNAI

COMUNU DE SÌNNIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

Mancai s'àcua de custas diis sa Festa po Santu Sidori est arrenèschia!

Cun calincuna mudadura de diis totu su programa de sa Festa est stètiu cumpriu.

Cenàbara su 12 de Maju mancai s'àcua est stètia fata sa cantada cun is poetas imprpovisadoris: Danieli Filia, Marco Melis, Antonello Orrù e Paolo Zedda. Custus ant fatu duus girus de gara a versus acumpangiaus de sa ghitarra de Stefano Campus. A fundai su primu giru est stètiu Antonello Orrù, cantadori sinniesu, cun su versu:

“Dopu annus pùbricu sinniori

Ti dogu su beni beniu

De pitica edadi apu sighiu

S'esepru de unu ricu agricoltori”

Sa crubertantza, est a nai sa segundu parti parti de su versu, est sa fundada de sa gara, est a nai unu messàgiu cuau asuta de una metàfora: cali est s'esepru chi at sighiu su poeta?

In s'interis de sa gara is atrus poetas, o cantadoris, circant de cumprendi ita bolat nai custu versu.

A s'acabu su poeta chi at fundau de cradada ita a bòfriu nai a primìtziu:

“A arrengratziai imoi torrit

Su comitau chi portu in su coru

Fai unu atru miràculu o Sidoru

Po chi cust'arti no bengat a morri”

Su poeta Orrù fiat cantendi de sa poesia, chi mancai at imparau de piticu de calincunu cantadori mannu, e invocat su Santu po chi amparit custa arti po chi no mòrgiat.

Su segundu giri est stètiu fundau de Danieli Filia, sinniesu issu puru, chi cun su matessi schema at

fundau chistionendi de una spada chi imperat contras de is nemigus, a s'acabu de su giru est stètiu

decrarau chi custa spada in beridadi fiat sa lingua chi is cantadoris imperant comenti a una arma contras is atrus cantadoris e totu.

Su dominigu est stètia fata sa pruceSSIONi po su Santu in is bias de sa bidde, su santu est stètiu

acumpangiau de is grupus folk e de sa banda.